

陳嘉庚言論集

陳嘉庚言論集

陳嘉庚言論集

出版者：

陳

嘉

庚

承印者：

新嘉坡武吉巴梭四十三號

總經理：

星洲南僑印刷社

定價：

吉寧街四十二及四十四號
南僑報社有限公司
叻幣壹元

各大書局均有代售

中華民國卅八年八月十五月初版
中華民國卅八年十月一日再版

自序

余自民國成立後，對於中國前途，抱熱烈希望。雖軍閥內鬨，戰爭不息，總念國家改革，必經相當時期之困苦，乃能達到幸福目的。迨民十七年，北伐成功，南京政府成立，更希望能如蘇聯之澈底改革，埋頭苦幹，興利除弊，措國家於發展之基。乃歷過多年，絕無實現，祇見獨裁欺詐，媚外害民，消除異己。至七七事變後，抗戰多年，民生慘苦，而獨裁者仍不悔悟。其時，蔣介石等尚屬中年，且厲行教育黨化，預作永久獨佔政權地步；余意設使天祐中國，降生忠誠建國人才，不知須再延遲若干年之久方能代蔣氏掌握政權，以救國救民，況今世尚未聞有此人才，故憂慮悲觀，無時或已。民國廿九年代表南僑回國慰勞抗戰軍民。至重慶，見國共磨擦嚴重，似有劍拔弩張之勢，如不幸破裂，抗戰何能勝利。余知國民黨方面，對中共仇恨之深，非輕易可以解釋，但未識中共方面之意見如何，乃決親往視察，俾略知其究竟，庶回洋時可報告僑胞。及到延安後，關於國共磨擦事，據該方表示，願極力退讓忍耐，避免分裂，以槍口一致對外為目的。時彼強此弱，余相信其所言係事實。除此項之外，余所見所聞，不論政治與軍事，大

出我之意外。軍事則與民衆合作，聯絡一氣，同甘共苦，推誠相待，已將軍隊擴充至二十餘師，使敵人在華北勢力，僅佔交通線及若干大城市而已。至政治方面，其領袖及一般公務員，勤儉誠樸，公忠耐苦，以身作則，紀律嚴明，秩序整然，優待學生，慎選黨員，民生安定。其他興利除弊，都積極推行。余觀感之下，衷心無限興奮，喜慰莫可言喻，認為別有天地，如撥雲霧而見青天。前憂慮建國未有其人，茲始覺悟其人乃素蒙惡名之共產黨人物。由是斷定國民黨蔣政府必敗，延安共產黨必勝。回到重慶時，國民外交協會邀余演講，定講題為「西北之觀感」。余對軍事一字不提，對政治方面，頗詳述見聞各事實。國民黨報對余演講詞，俱不登載，獨新華報登載甚詳。國民黨人由是對余大不滿意，蔣介石之不滿更形露骨，以何應欽名義電令江南諸省當局注意余之行動。及余入閩，查出陳儀徐學禹禍閩慘重，電請蔣介石撤廢閩省苛政，但結果被拒。余經西南各省，召集福建同鄉會，圖團結救鄉，出國後至南洋各埠亦然。從此之後，蔣介石及其軍政機關等即與余斷絕來往。

民國卅一年，日寇侵略新嘉坡，余避匿爪哇，乃著「南僑回憶錄」，「我國行的問題」及「住屋與衛生」。民國卅四年十月，余回新嘉坡。在其時國人對國共會談妥協合作事，多抱樂觀，余獨不以為然。蓋君子與小人，斷無合作成功之可能。及全面內戰發生，美

國政府極力幫助蔣介石，增長其內戰之野心，甚至駐海陸空軍我國土，余乃發電致美國杜魯門總統及參眾兩院長，反對美國助紂為虐及駐軍，并警告多行不義必敗，請彼等以日本德國為鑒戒。因此，馬來亞各處國民黨人機關及報紙，對余百方攻擊。或公開集會，函電交馳；或匿名謾罵，遍貼標語。惟全馬諸民主派，及勞動界，婦女界，青年人等，憤恨不平，在各處亦召集大會，擁護余之通電，其他僑民表同情者亦衆。盪動月餘，國民黨人及黨報乃消聲。詳情載在「南僑正論集」。當時新嘉坡南僑日報尚未開辦，所有各報多偏於國民黨人方面，吠影吠聲，勢所難免。及南僑報開辦，全面內戰正劇，余故屢發表意見，以告僑衆。現蔣政府即將倒台，全國即將解放，革命大功瞬將告成，余乃續著一書，名「民俗非論集」，以貢獻我新民主政府。茲當回國觀光前夕，爰將三年來發表意見彙印，名曰言論集。

大中華民國三十八年五月一日

陳嘉庚

目錄

自序

論文

半斤與八兩	一
美借款與我國紙幣	四
論潮州大學	七
論美國救蔣必敗	九
新歲獻辭	十三
如何追悼侯西反	十九
從未來世界大戰形勢論美國不敢以軍事援蔣	廿二
蔣介石表示不要做總統	廿六
蔣介石的「最大錯誤」	廿九
中國內戰何日告終	卅三
國共決無和平可言	卅六
再論中國內戰前途	卅八

徐州大會戰與全局決定性

四一

辨匪論

四三

演講

8

領袖與誠信

四七

關於紀念國慶的糾紛

四九

祖國光明在望

五二

從歷史經驗証明蔣政府必倒

五五

南僑報任務與中國前途

五九

華僑中等教育之重要

六四

新中國必能興利除弊

六八

明是非辨真偽

七三

通告

召集馬來亞各區籌賑會代表會議通告（爲討論籌款資助機工南回辦法事）

七九

關於機工復員事

八五

爲荷蘭慘殺華僑并奪船劫貨封鎖貿易事

八九

宣佈獨裁政府罪狀

九六

函電

8

關於建立華僑死難紀念碑

一〇一

電請杜魯曼停止援蔣

一〇二

電參政會響應學生運動

一〇四

抗議白思華報告書

一〇五

向白思華質問三點

一一〇

與毛澤東主席來往電四件

一一二

與朱紹良等來往電

一一四

電悼馮玉祥將軍

一一六

附錄

3

評蔣鼎文之談話

一一七

辭謝行總協修集美校舍

一一八

與美國記者談我國新局勢

一一九

半斤與八兩

台灣人民六百萬，閩人佔三分之二，多爲閩南人。因距離廈門水途不遠，帆船一日夜可達，火輪尤爲快速。甲午以前，閩南婦女紡織業，無家不有，大半運銷台灣。所需米糧，則由台輸入。其他物產，交換亦夥。人民往來，如現下南洋一樣。自割讓日本後，不但人民來往困難，而布米等物品交易，完全爲日本奪去。閩南民衆生機，幾遭斷絕。

日本佔領台灣之後，盡力改革，興利除弊，而尤以發展交通，改良農業，建設水利，禁絕鴉片諸端爲尤著。數年之後，生產增進，民生安適。唯民族思想，遭受壓迫，主奴階級，判若天淵，人民自由，剝奪無餘，故台民自我辛亥革命以後，企盼祖國之收復，不啻農夫之望歲。抗戰勝利，目的已達，台人懼忤欣幸，莫可言喻，以爲從此可出水火而登衽席，由黑暗而覩光明矣。

陳儀治台之日，帶去公務人員數百人，其選擇組織，大部份當然爲前治閩諸僚屬，故閩人亦有參加者。下車不上兩月，台民大爲失望，或貼標語，或繪圖畫，指爲「狗去豬來」。蓋以日本爲狗，尙能護主，而陳儀爲豬，僅能飽食而已。不滿陳儀，於此一事可以想見。

閩省原非富裕，加以抗戰數年，民生困苦，而陳儀苛政，層出不窮，任用鄉親及私人，營私貪污，勒索敲榨，無惡不作，而閩民以抗戰期間，遭受壓迫，雖如何悲慘，亦惟有忍受饑餓，或則投江自殺，不敢挺而走險。加以特務橫行，言論統制，故外間鮮能知之。今台灣則經日本數十年之經營，物產豐富，工業繁盛，不亞南洋膏腴之地，陳儀等如餓虎見肥肉，安肯放鬆。閩省苛政，故態復萌，甚且變本加厲，爲勢所必然也。

昨日報載，美合衆社電，台民反對陳儀苛政，死傷近萬人。又美聯社電，政府委吳鐵城，繼陳儀任台灣行政長官，如係屬實，則可見台灣變亂影響甚大，如陳儀不去，將無法收拾，故以吳代之。然吳鐵城之人格，與陳儀不過半斤與八兩。言營私積產，陳不及吳。言任省長不負責逃走，吳則尤甚於陳。言年齡品性，殘忍狡詐，則無分軒輊。陳去吳來，無異以虎易狼。台民何不幸乃爾！若台人果能一致行動，堅持到底，將貪污官吏，盡數驅逐，則民衆雖受重大犧牲，亦可獲得代價。如其不然，亂事不過暫時平靜而已，欲望其撥亂反治，是緣木而求魚也。

人性善惡，出於天成，行年四十以上，向無改移之可能。吳氏年屆六十，平時所親信所接近者，皆黨王之流。賢達之士，決不願同流合污。物以類聚，薰猶不同器，此之謂也。今陳儀之羽黨雖去，而吳鐵城之爪牙又來，相差不過五十步與百步而已。余前著之「南僑回憶錄」，台人由廈門購閱，知閩人早已飽受

陳儀之虐政。至吳鐵城之行動，在余書中亦有所紀述，惟未若陳儀治閩事蹟之詳細。嗚呼，此豈特台人之不幸，抑亦我閩人之不幸也。以陳儀禍閩之罪，萬死不足以謝閩人，乃當局與之朋比爲姦，同惡相濟，忠佞不分，是非倒置，古語云：「無是非之心，非人也」。今居高位者，竟無是非之心，我民族安得不遭受慘痛，於陳儀乎何尤？

（三十六年三月十日）

美借款與我國紙幣

國共不能妥協，內戰不能避免，凡與兩方要人有接觸經驗者，不待智者而後知，故余早斷其謀皮於虎也。內戰既不可避免，勝負亦非易解決。大戰後我國物資枯竭，生產有限，加以政治腐敗，貪污橫行，軍費浩大；政府財用專靠印幣機為資源，基金毫無，每日要印行數十萬萬元紙幣，向民衆流通，換取物產，致通貨膨脹，降跌，此又不待智者而後知。

執政諸人，以為人民可欺，以為數月內可以解決內戰，農業國不怕紙幣濫發，美國海陸空軍火及軍人用品，可以源源供給，故當風狂走，兇暴殘忍，發動內戰，不顧民衆之飢餓死亡，國權之削弱喪失，保存其專制獨裁之野心，慣行其自欺欺人之狡詐。

就現下國幣言，日趨降跌，全國民衆咸知將來必成廢紙。數星期前，政府規定美金一元，值國幣一萬一千元，每萬元申叻銀一元八角，近日降跌半數，每萬國幣值叻銀僅九角，若再跌五六角，則每萬值叻銀三四角，五百元以下舊紙幣，均作廢紙矣。

新印萬元之幣紙，價值既賤，每個士兵每月平均至少需五十萬元，前後方按五百萬人，每月須二千五

百萬億元，而廣衆流通所需，當加千百倍。印鈔機雖如何靈敏，恐亦供難應求。紙面價值愈鉅，濫發又愈多，則總崩潰亦當愈速。

士兵作戰之需要金錢，如汽車行走之需要汽油。不但糧食衣服，而公私費用，運輸補給，懸賞獎勵，衝鋒陷陣，間諜冒險，賄賂對方，及其他種種鉅費，均非錢不行。民衆對紙幣既失信仰，士兵交易必生阻礙，影響作戰之利害，毋須多贅。尙有一說，則強徵強取強劫，勉作維持，如此則國軍變成國匪，可哀也已。

報載政府將向美國借款現金五萬萬元至十萬萬元，余意此種無稽之空想，非畫餅充飢之騙局，即緣木求魚之妄想。自敵寇敗後，向美國借款若干，未有公開宣佈，然所借數目，係軍火及軍事用品，此乃大戰後美國剩餘無用之物，藉此廢物利用，既可握債主權，又可助長我國之內戰，一舉兩得，其處心險惡，世界咸知，若貸借現金，則同水花泡影，徒供馬歇爾特使之玩弄耳。

大戰時及戰後，美國剩餘軍火，如飛機大砲，戰車槍彈，積存在太平洋諸島嶼，不可勝計，及傾收日寇所有，更形山積，若全數供我國內戰，非數年可能用盡。其他軍用品，積存亦夥，第恐未能盡合我國軍人適用。就新加坡彈丸之地，戰後運來者，倉棧皆滿，迄今年餘，雖消去一部份，尙存數千萬之多，雖廉價尙乏人承受，而大部份爲糖精，瀉鹽，剃刀，肥皂，餅干，罐頭，及其他物品。美國在太平洋同樣之

存積，不知要加許多倍，數目當在幾萬萬元以上，姑彼慷慨任我國賒欠，一如軍火之供給也。

除上言軍火及軍人用品兩種外，若借貸現金，乃人民之脂膏，原非政府所有，以我國現下內戰之狀況，政治之腐敗，貪吏之如毛，美國人黃金雖多，欲令填此無底壑，又談何容易。

或云議借之款，非盡現金，而大半爲助我國建設，交通及工業器械。果爾，則對於挽救紙幣之崩潰無關。況許多重要鐵路橋樑交通，且遭破壞，何暇計及建設新事業。即使借來半數之現金，以美鈔專供軍政之維持，亦不過幾個月時間而已。總而言之，欲望美國借出若干萬萬元之現金，救此病入膏肓，瀕於崩潰之紙幣，而解決內戰者，真無異緣木而求魚也。

(卅六年四月卅日)

論潮州大學

閱報知劉侯武先生，此次爲創辦潮州大學南來，經與潮幫僑領妥議，成立籌款委員會，進行募款。

潮州與閩西毗隣，并與嘉應海陸豐接壤，地廣人稠，人口千萬，尙未有一大學，誠屬憾事。世界文明諸國，大學林立，姑置不論。而教育最落後不振之我國，尙有大學及專門學校百餘所。以人口平均計，四百萬人可有一校也。

潮州僻處南疆，然與東南亞交通至爲便利。潮州創辦大學，非但爲潮州之大學，乃中國之大學，不但爲中國之大學，將來亦可爲東南亞之大學，蓋有教無類，乃教育之目的，惟近水樓臺，經營締造，自不得不先由當地人士負其責也。

創辦潮州大學，其目的爲造就專門人才，培植民生幸福之基礎。百年樹人，成績雖難立見，惟影響所及，收效必然不少。當民國十年廈大初辦時，閩省中等學校四十餘間，每年畢業生一千餘名。當時中學學制爲四年畢業，故大學設有二年預科。廈大初辦預科三班，生額一百二十名，招閩生半數六十名，餘爲他省生，及考試，閩生及格不上三十名，可見中學辦理不善，致程度如此低劣，其原因爲尙無大學入學試驗

，課程漫無標準也。

自有廈大之後，閩省中等學校，多自奮進。以後招考新生，略見成績。不幸自民二十年之後，爲經濟所困，勉強維持，呼籲無門，抱憾無已。至二十六年，余以廈大集美勢不能兼顧，乃請求政府，無條件接收廈大。交卸甫畢，七七戰事發生，全校內移，雖困難甚多，在質與量方面，成績亦略有可觀。新加坡未淪陷前，報載全國大學生會考，廈大生佔第一位。其原因廈大內移時，儀器圖書等大部份，尚可遷去，而華北上海等大學，多在淪陷中損失，故廈大特佔優勢也。

至就量而言，去年秋季，廈大招生，考試及格者，四百餘名，閩生佔大半數。本年招新生五百餘名，大約相差無多。就此比較，廈大開辦二十餘年，大半在遭遇困難期間，而促進中等學校之進步，成效已屬不少。中等學校成績優劣，既受大學之影響，大多數之小學校，當然亦必隨中學而進展。夫如是，則今日潮州大學之創立，豈僅爲造就專門人才而已耶。

西哲云，金錢如肥料，散播乃有用。以馬來亞潮僑之富庶，倘慷慨解囊，要捐百餘萬二百萬元，絕無難事。又如存積公款之多，潮屬亦爲各幫冠。潮州小學校多積有基金，故學校經濟不受市況影響。反之，福建會館所辦各校，學生五千名，基金無有。潮僑在本坡尚有重要地產百餘英畝，現下堪值坡幣數百萬元。化無用爲有用，誰曰不宜。論公論私，要捐助潮大創辦費，並數年之經常費，實易如反掌也。

（卅六年八月十三日）